



VOLDA KOMMUNE
Rådmann

VOLDA OG ØRSTA REINHALDSVERK IKS

Torvmyrane 29
6160 HOVDEBYGDA

<i>Arkivsak nr.</i>	<i>Løpenr.</i>	<i>Arkivkode</i>	<i>Avd/Sakshandsamar</i>	<i>Dato</i>
2018/2198	3949/2019	M50	ADM/ JOAROD	08.03.2019

**MELDING OM POLITISK VEDTAK - REVIDERING AV FORSKRIFT OM
RENOVASJON OG SLAM**

Vi melder med dette frå at Fellesnemnda for nye Volda kommune den 07.03.2019, hadde føre
ovannemnde som sak 18/19, der det vart gjort slikt vedtak:

***Fellesnemnda vedtek å legge revidert renovasjonsforskrift for Volda og Ørsta
kommunar ut på høyring i 6 veker.***

Sakutgreiinga med vedlegg følger vedlagt.

Volda kommune, samfunn og rådgjeving

Joakim Rødven
utvalssekretær

Dokumentet er elektronisk godkjent og har ingen signatur.

Kopi til:
Jarl Martin Møller

SAKSDOKUMENT

Sakshandsamar:	Jarl Martin Møller	Arkivsak nr.:	2018/2198
		Arkivkode:	M50

Utvalsaksnr	Utval	Møtedato
18/19	Fellesnemnd for nye Volda kommune	07.03.2019

REVIDERING AV FORSKRIFT OM RENOVASJON OG SLAM

Handsaming:

Eldar Engelund med oppmoding til representantskapet i VØR, som valde av Volda kommunestyre, om å bringe vidare til styret at NOMIL i dag har rabatt for hushald som er registrerte som einslege.

Korrigering 12.03.2019:

Administrasjonen gjer med godkjenning frå leiar i Fellesnemnda ei redaksjonell endring i tilrådinga, der ein endrar «Volda formannskap» til «Fellesnemnda».

Røysting:

Administrasjonen si tilråding vart samrøystes vedteken.

Vedtak i Fellesnemnd for nye Volda kommune - 07.03.2019

Fellesnemnda vedtek å legge revidert renovasjonsforskrift for Volda og Ørsta kommunar ut på høyring i 6 veker.

Administrasjonen si tilråding:

Volda formannskap vedtek å legge revidert renovasjonsforskrift for Volda og Ørsta kommunar ut på høyring i 6 veker.

Vedleggsliste:

- Justert forskrift for renovasjon og slam
- Revidering av forskrifter, med verknad frå 01.01.2020 - Nye Volda - Volda og Ørsta Reinhaldsverk (VØR) IKS

Uprenta saksvedlegg:**Samandrag av saka:**

I samband med at delar av Hornindal kommune frå 01.01.2020 skal verte med i nye Volda kommune har styret i VØR etter initiativ frå rådmann i Volda vurdert behovet for tilpassing i den lokale forskrifta om renovasjon og slam.

Rådmannen rår til å leggje framlegg til justert forskrift for renovasjon og slam ut til offentleg ettersyn i 6 veker.

Saksopplysningar/fakta:

I samband med at delar av Hornindal kommune frå 01.01.2020 skal verte med i nye Volda kommune har styret i VØR etter initiativ frå rådmann i Volda vurdert behovet for tilpassing i den lokale forskrifta om renovasjon og slam. Styret har i si sak 35/18 den 13.11.2018 kome med ei tilråding til reviderte forskrifter som kommunane vert bedt om å ta stilling til.

Forskrifta vart sist revidert i 2017. Det var då også peika på at ved eventuelle justeringar av ytre kommunegrenser ville forskrifta måtte endrast på ny. I tillegg må sjølve selskapsavtalen avklarast. Hornindal har i dag organisert renovasjonstenestene gjennom Nordfjord Miljøverk IKS (NoMil).

Det har også kome framlegg til ei nasjonal forskrift om lovpålagt innsamling av matavfall/våtorganisk avfall og plastembalasje. Ved siste revidering i 2017 vart det heimla innsamling av våtorganisk avfall (matavfall). Dette vart sett i verk frå 01.01.2019 i Volda og Ørsta. Hornindal har hatt slik innsamling i ei årrekke. Plastembalasje som eigen fraksjon har vore ein del av innsamlinga sidan revisjonen i 2013. Det er såleis ikkje behov for å endre vår lokale forskrift no på disse områda.

Oppslutnaden om plastinnsamlinga er høg, men det har vorte utfordringar med sekkar som går sunde under innsamling og plast som då vert blanda med papiret. VØR ønskjer difor ein fullmakt til styret i § 7a om å kunne endre innsamlingsmetode om det syner seg naudsynt.

VØR har i tillegg til krava i forskrifta også innført ei friviljug ordning med raud boks for farleg avfall. Dei har gode erfaringar med dette og ønskjer at ordninga vert juridisk heimla i forskrifta som noko alle abonnentar har krav på. I framlegg til revidert forskrift er dette teke inn i definisjonane av kva abonnementa inneheld i § 3 og oppsamlingspunkt i § 8c.

VØR har også samanlikna forskriftene til NoMil og VØR og rår til å justere differensieringa for renovasjon på fritidshus i § 3b etter standard, basert på ordninga til NoMil i dag. Unntaket er fast plasserte campingvogner utanfor campingplass. Vidare eit ønskje om ein heimel i § 7d for reduksjon i renovasjonsgebyret etter søknad for abonnentar som har meir enn 300 meter fram til tilvist hentepunkt.

Som ved tidlegare revisjonar har vi administrativt vurdert framlegget i begge kommunar, for å få til ei felles saksutgreiing og tilråding. Nokre punkt er noko justert i høve framlegget frå VØR, men då mest som klargjeringar. Nye tillegg er synte med raud tekst, medan tekst som då går ut er synt med gjennomstrekning i vedlagte framlegget til ny forskrift. Vi syner elles til nærare omtale i vedlagde særutskrift frå VØR datert den 27.11.18.

Vurdering og konklusjon:

Det er eit mål i seg sjølv at ei lokal forskrift skal vere så kort og konsis som råd. Den må likevel ta opp i seg og avklare naudsynte problemstillingar. Forskrifta må vidare vere i samsvar med nasjonale krav og føringar og bygge på grunnlaget i forureiningslova om at forureinar skal betale.

Innsamla mengde plastavfall pr innbyggjar er på over 10 kg, noko som er svært bra i nasjonal målestokk og over måla som var sette i kommunane sine klimaplanar . VØR har i sitt brev omtala moglege tiltak for å hindre blanding av plast og papir, som ekstra utsortering på miljøstasjonen, eller eigne henteruter. I framlegget ligg ei fullmakt i § 7a til at styret i VØR kan fastsette endre innsamlingsmetode. Om dette medfører endra kostnader er det likevel kommunestyret som må vedta endringar i gebyra.

Gebyrregulativet for fritidshus har vore noko ulikt for kommunane som høyrer til NoMil og VØR. Sjølve gebyra er ikkje tema no, men inndelinga vert fastsett her i renovasjonsforskrifta. VØR rår til at justere denne inndelinga etter malen frå NoMil og basere seg på standard (om det er veg, innlagt straum og vatn/avløp) med ei inndeling i 3 kategoriar med høvesvis 50, 30 og 10 % av eit standard renovasjonsgebyr. Ei slik endring vil utvide gebyrgrunnlaget noko. Framlegg til endringar er innarbeidd i § 3b. Det vert lagt opp til fritak for hus, hytter og sel mindre enn 20 m² og opna for fritak etter søknad for hus/hytter som står til nedfalls. Vi er usikker på om det er rett å ta med båtbrygge i kategori 1 c § 3b, men rår til å høyre inndelinga slik.

Om ei slik endra inndeling av abonnementeininga for fritidsbustadar vert vedteken må ein fastsette eit iversettingstidpunkt for ny inndeling. Utgangspunktet her bør då vere 01.01.2020, men det bør sikrast ein fleksibilitet som bør takast inn i vedtaket og ikkje i forskrifta. Vi tek likevel med dette i høyringa av forskrifta no der VØR får heimel for å vurdere iverksettingstidspunkt i § 19. Ved ei slik endring kan dagens definisjon av abonnementeining fritidsbustad gå ut.

VØR rår også til at det vert innført ein heimel til å kunne gi redusert renovasjonsgebyr etter søknad for heilårs busette eigedommar med meir enn 300 meter fram til tilvist hentepunkt i § 7d. Vi har etter dialog med VØR korta litt ned på formuleringa.

VØR har også vurdert andre ulikeheiter i forskriftene som dette med eigen abonnementtype for husstandar med ein person. Vi er samde med VØR si vurdering om å her vidareføre abonnementsinndelinga som har vore nytta i Volda og Ørsta.

Når det gjeld slaminnsamling frå separate slamavskiljarar har kommunen hatt ansvaret i Hornindal, medan VØR har ansvaret for dette i Volda og Ørsta. Vi finn det rasjonelt at dette går inn i VØR sitt ansvarsområde frå 2020. Utover dette er det ikkje framlegg til endringar i kapittel 2 om tøming av slam frå spreidde avlaupsanlegg.

Vi gjer her likevel merksam på at det er eit arbeid pågang om etablering av eit interkommunalt organ for sakshandsaming og tilsyn av spreidde avløpsanlegg som oppfølging av forvaltningsplan for vatn. Dette er oppgåver som ligg til kommunen og organiseringa av slamtøminga kan vere aktuelt å omfatte, då dette er viktig å koordinere i høve tilsyn. Dette vert å avklare seinare gjennom eiga sak.

Med dei justeringar som går fram ovanfor, rår rådmannen til å leggje framlegg til justert forskrift for renovasjon og slam ut til offentleg ettersyn i 6 veker.

Rune Sjurgard
Rådmann

Jarl Martin Møller
teknisk sjef

Utskrift av endeleg vedtak:
Volda og Ørsta Reinhaldsverk IKS
Teknisk sjef, Volda kommune